

PREKO OFF-SHORE OPRANI MILIONI

- SIPA je jučer prijepodne uhapsila Stipu Prlića, Zorana Bakulu, Nevena, Belmu i Sanjina Kulenovića, Darka Aleksića i Lajlu Torlak
- Senad Zaimović priveden popodne
- Ejub Kučuk u Italiji

Jučer rano ujutro po nalogu Suda i Tužilaštva BiH pripadnici SIPA počeli su akciju Gibraltar u kojoj je uhapšeno sedam osoba, dok su dvojica osumnjičenih bila van Bosne i Hercegovine. Uhapšeni su direktori HT Eroneta Stipe Prlić (1958) i Zoran Bakula (1964), direktor marketinške agencije SV-RSA Neven Kulenović (1967), te njegova supruga Belma (1972) i brat Sanjin Kulenović (1970), zatim suvlasnik banjalučke ATV Darko Aleksić (1965) iz Banje Luke i zamjenica generalnog direktora, direktorica marketinga i glavna i odgovorna urednica PINK BH Lajla Torlak (1978). Osumnjičeni Ejub Kučuk (1973), direktor agencije MITA, i Senad Zaimović (1964), direktor agencije Fabrika i suvlasnik Radio Sarajeva, jučer ujutro nisu bili u BiH, ali su dali izjave brojnim bh. portalima: Kučuk je izjavio da je na godišnjem odmoru u Italiji, a Zaimović da je u Hrvatskoj. Kasno poslijepodne i Zaimović je priveden u prostorije SIPA.

Kupovali luksuznu imovinu

- Sedam osoba lišeno je slobode zbog postojanja osnova sumnje da su počinili krivično djelo organizirani kriminal u vezi sa

U Sloveniji blokirano pola miliona eura

Upitali smo i pravosuđe Slovenije da li je imovina Nevena Kulenovića u ovoj zemlji i dalje blokirana, te da li je istraga koju je Specijalno tužilaštvo Slovenije vodilo protiv čelnika HT Eroneta i Kulenovića, a u vezi sa pranjem novca preko slovenačkih i austrijskih banaka, završena.

Iz Specijalnog tužilaštva Slovenije, na čijem se čelu nalazi Harij Furlan, jučer nam je rečeno kako je u ovoj državi "putem međunarodne pravne pomoći privremeno osigurana imovina u nešto manjoj vrijednosti od pola miliona eura". Više informacija nisu željeli davati jer, kako kažu, još je u toku istražni postupak.

krivičnim djelima iz oblasti finansijskog kriminala i korupcije i to krivotvorenje službene isprave, zloupotreba službenog položaja ili ovlaštenja, pranje novca, porezna utaja, carinska prevara, zatim krivična djela davanja dara ili drugih oblika koristi, primanje dara ili drugih oblika koristi i druga krivična



Privođenje Sanjina Kulenovića, Lajle

djela. Istražnim djelima utvrđeno je da su članovi organizovane kriminalne grupe nezakonitim radnjama na osnovu krivotvorenih ili štetnih ugovora i faktura stekli protivpravnu imovinsku korist u iznosu većem od pet miliona eura, kazala je Kristina Jozić, glasnogovornica SIPA, jučer prijepodne.

Pojasnila je da su pomenuta sredstva izvučena na račune off-shore kompanija u inostranstvu, a dio novca zadržan je na računima tih kompanija, dok je dio novca prebačen na račune osumnjičenih osoba u inostranstvu i korišten za kupovinu luksuzne imovine u inostranstvu.

Pretraseeno je 16 lokacija s ciljem pronalaska i privremenog oduzimanja predmeta koji mogu poslužiti kao dokazi u daljnjem postupku. Akcija je izvedena na područjima Sarajeva, Banje Luke, Posušja, Mostara i Gruda, a učestvovalo je više stotina policijskih službenika SIPA kojima su pomagali pripadnici MUP-ova KS-a, RS-a, ZHK-a i HNK-a.

Uhapšeni su privedeni u prostorije SIPA, gdje će biti saslušani, a nakon toga predati postupajućem tužiocu koji će odlučiti o daljnjim mjerama. U akciji Gibraltar, prema Jozićinim riječima, ostvarena je i međunarodna saradnja sa istražnim organima prvenstveno iz Slovenije, Hrvatske, Austrije i Srbije.

Pripadnici SIPA nastavili su radnje na lociranju i pronalasku preostalih osumnjičenih.

Iz Tužilaštva je jučer rečeno za Oslobođenje da je moguće da postupajući tužilac izvrši ispitivanja osumnjičenih i u prostorijama SIPA, nakon čega će biti odlučeno o predlaganju mjera pritvora ili blažih mjera. Ova odluka očekuje se danas.

- Istraga se nastavlja i dalje u

Kebo uputio apel CIK-u, OHR-u i OSCE-u

Potpredsjednik FBIH Mirsad Kebo traži od Centralne izborne komisije, OHR-a i OSCE-a da istraže i utvrde odgovornost za regularnost općih izbora u BiH 2014, s obzirom na to da su u policijskoj akciji pod nazivom Gibraltar obuhvaćena i lica koja su vodila izborne kampanje pojedinih političkih stranaka, kao i predsjedničkih kandidata, saopćeno je iz kabineta potpredsjednika.

"Agencija MITA, čiji je vlasnik Ejub Kučuk, 2010. je vodila izbornu kampanju Stranke demokratske akcije, a poznato je da je ostavila mnogo sumnji u rezultate tih izbora, te iz kojih sredstava je ova firma kupila poslovni prostor u objektu Importanne Centar. Posebno treba skrenuti pažnju na direktan uticaj na medije pri čemu izdvajam Javni servis, koji finansiraju građani ove zemlje. Nedopustivo je ono što se nedavno desilo, a to je da su u demokratskom društvu televizijski mediji bili zatvoreni za mnoge stranke i pojedine kandidate, što znači da su kontrolisani i pod cenzurom i to od sredstava naroda, posebno preko javnih preduzeća", upozorio je potpredsjednik FBIH.



Page: 2

Reach: 0

Country: BOSNIA AND HERZEGOVINA

Size: 1358 cm2

2 / 2

FIRMI EURA



Torlak i Darka Aleksića u prostorije SIPA



Foto: D. TORCHE

cilju podizanja optužnice, kazao je Boris Grubešić, glasnogovornik Tužilaštva BiH, jučer za Oslobođenje.

Iz Tužilaštva su jučer ujutro istakli da je finansijskim malverzacijama koje su predmet ove istrage, budžet naše zemlje, a samim tim i svi građani, oštećen za višemilionske iznose.

- Ova aktivnost pokazuje odlučnost Tužiteljstva BiH i partnerskih institucija u borbi protiv organiziranog kriminala i korupcije, radi uspostave vladavine prava u našoj zemlji, u procesu približavanja europskim integracijama, saopćeno je iz ove državne institucije.

Prlić i Torlak jučer su bili nedostupni, a niko se nije javljao ni na kontakte agencije S.V.-RSA, na čijem su čelu Kulenovići.

Sami će se prljaviti

Kučuk, koji je posljednjih dana boravio na odmoru u Italiji, oglašio se putem svoje Facebook stranice.

- Jako je ružno vidjeti svoje ime u novinskim napisima vezanim za hapšenja i akcije koje su povezane sa provođenjima istraga SIPA i policijskih organa. Želim svima javiti da nisam uhapšen, a prema izjavama moje porodice i saradnika, niko nije dolazio mojoj kući, niko nije do-

lazio u MITA Group da izuzme dokumentaciju ili da bilo koga uhapsi. Niko od istražnih organa, ali zato novinari kampuju pred mojom kapijom i ne daju djeci da odu u školu. O akciji sam saznao iz novina i od novinara kojim je cijelo jutro zovu. Kakve su to tajne akcije o kojima svi mediji sve znaju?

Vjerujem da se radi o slučaju u kojem novine pišu godinama, a tokom svih tih godina nikada me niko nije pozvao da dam izjavu, svjedočenje ili da kažem bilo šta za navedeni slučaj. MITA Group nikada nije učestvovala ni u jednom poslu kojem je naručitelj Eronet, bili smo jedni od rijetkih koji su se godinama zalili na njihove postupke nabavke. O slučaju koji se spominje ne znam ništa, niti sam ikada znao. Neke od osumnjičenih/uhapšenih znam, radio sam s njima dugi niz godina, s obzirom na to da poslujemo u okviru iste branše još od 1997. godine. Saradnja s našom agencijom bila je korektna, a često su bili spremni na pomoć svima kojima je to trebalo. Između naših agencija nema bilo kakvih spornih poslova a da je



Prlić priveden u Mostaru

Nakon višesatnog pretresa zgrade Eroneta, u mostarskoj Ulici kneza Branimira, direktor ovog preduzeća Stipe Prlić priveden je u prostorije SIPA. Oko 13 sati vezanih ruku, u pratnji dvojice pripadnika SIPA, napustio je radno mjesto. Prethodno je izvršen pretres Prličeve porodične kuće.

Niko od uposlenih u HT Eronetu, koji su svakog časa užurbano prolazili pored brojnih novinara i fotoreportera jučer u Mostaru, nije bio raspoložen za bilo kakav razgovor. Iz centrale Eroneta kasnije nisu odgovarali na pozive, da bismo na kraju, ipak, dobili službeni dopis iz ove kompanije, koji je stigao na email našeg dopisništva.

- Pripadnici SIPA priveli su danas predsjednika uprave HT Eroneta Stipu Prliča i člana uprave Zorana Bakulu, a po nalogu Tužiteljstva BiH. Ovaj događaj ni na koji način neće utjecati na rad HT Eroneta i poslovanje se odvija potpuno normalno, stoji u dopisu.

Za razgovor nisu bili raspoloženi ni u Tužilaštvu HNK-a.

- Tužilaštvo BiH insistiralo je da im se dostavi pomenuti predmet, a mi smo postupili po njihovom naređenju. Nažalost, nešto više o ovoj temi niti mogu niti smijem da vam kažem u ovom trenutku, izjavio je tužilac HNK-a Spomenko Jukić.

U proljeće 2011, na inicijativu austrijskih istražitelja, pokrenuta je međunarodna istraga zbog sumnji u pranje novca preko kompanije 3 Media Ltd koju je Neven Kulenović registrovao na Gibraltaru. Interpol je još tada od bh. istražitelja zatražio podatke o poslovima Kulenovića i osoba kojima je sa računa gibraltarske kompanije uplaćivao veće iznose novca. Prema podacima Interpola, u vrijeme saradnje S.V.-RSA i Digitela s Eronetom, nekoliko osoba povezanih sa Kulenovićevom agencijom ili vrhom mostarskog javnog preduzeća otvorilo je privatne račune u tadašnjoj Austria Creditanstalt u Ljubljani.

Mediji kojima je Kulenovića S.V.-RSA plaćala objavu oglašila prema ugovoru sa HT-om od 30. juna 2008. do 16. februara 2010. godine prebacili su na račun kompanije 3 Media u Ljubljani 1.947.192 eura (oko četiri miliona KM). Dio novca isplaćen je privatnim osobama povezanim sa vlasničkim ili upravljačkim strukturama S.V.-RSA i to Nevenu Kulenoviću, Darku Aleksiću i Anisu Kadriću, u ukupnom iznosu od 440.127 eura (880.000 KM).

Preostala sredstva od gotovo 3,12 miliona KM prebačena su privatnim osobama, među kojima i onima iz vrha HT Eroneta.

A. DEMIĆ

bilo kome iz MITA Group to poznato.

Želim napomenuti da nisam u BiH, a planirani povratak je bio u petak. S obzirom na razvoj događaja, skratio sam odmor i poslovne obaveze i krećem za Sarajevo u kasnim popodnevним satima. Čim dođem u Sarajevo, planiram se javiti istražnim organima i staviti na raspolaganje. Nema šta kriti, uvijek sam bio ponosan na rad MITA Group, izvršavanje obaveza prema uposlenim, državi i svim dobavljačima u dogovorenim rokovima. U potpunosti podržavam rad istražnih organa i organa vlasti jedine države koju imam. Svi novinari mogu preuzeti ovu izjavu, ništa drugo osim ovoga nemam da izjavim niti znam bilo šta više od ovoga.

Specijalno tužilaštvo Slovenije

Za Oslobođenje Kučuk je kazao kako nikakve veze sa ovim slučajem niti sa djelovanjem agencije S.V.-RSA nema.

- O njihovom poslovanju ili o njihovim poslovnim vezama nema nikakve informacije. Vjeru-

jem da će se istražni organi javiti sa više informacija i svima rasvijetliti slučaj. Vjerujem da sam greškom spomenut u tom slučaju, ali šteta je već načinjena objavljivanjem, istakao je direktor agencije MITA.

Slično je poručio i prvi čovjek agencije Fabrika Senad Zaimović, koji se također rekao javiti nadležnima po povratku u Sarajevo. U Fabrici, pak, jučer nisu željeli govoriti o tome otkud Zaimović na spisku uhapšenih, poručujući da se za takve propuste trebamo obratiti onima koji su pogrešne informacije i prisljedili medijima.

O izvlačenju novca preko HT Eroneta na račune off-shore kompanija na Gibraltaru pisalo se u nekoliko navrata ranije, a o ovom slučaju istragu je vodilo i Tužilaštvo HNK-a. No, u međuvremenu, Specijalno tužilaštvo Slovenije, koje je vršilo istragu protiv Prliča, Bakule i Kulenovića zbog pranja novca u slovenačkim bankama, ove godine zatražilo je preko Tužilaštva BiH izjašnjenje o tome da li će Kantonalno tužilaštvo u Mostaru preuzeti ovaj predmet ili pružiti pravnu pomoć.

J. M. - M. D. R.

Ministar Bijedić: Neka pravosuđe radi

HT Eronet je u većinskom vlasništvu Vlade FBiH. Federalni ministar prometa i komunikacija Enver Bijedić jučer je dao kratku izjavu za Oslobođenje.

- Pravosudni organi treba da rade svoj posao nesmetano i vjerujem da će to uraditi nepristrasno. Ova afera traje dugi niz godina, mnogo prije nego sam ja i došao na čelo ovog ministarstva. Kao ministar, nisam dobivao informacije o tome, kazao je ministar Bijedić, kojeg je jučer ujutro Ante Krešić, predsjednik NO HT Eroneta, obavijestio o privođenju Prliča i Bakule.

Ministar kaže da je za sutra bila najavljena sjednica NO HT Eroneta, ali da je sad neizvjesno njeno održavanje.